

四庫全書

集部

欽定四庫全書

集部

山谷外集卷

五

詳校官庶吉士臣胡鈺

檢討臣何思鈞履勘

總校官進士臣朱鈐

校對官修撰臣戴衢亨

謄錄監生臣方蘅

欽定四庫全書

山谷外集卷五

古詩

題洛星寺四首

星宮游空何時落著地亦化為寶坊詩人畫吟山入座
醉客夜愕江撼牀窰房各自開牖戶蟻穴或夢封侯王
不知青雲梯幾級更借瘦藤尋上方

宋 黃庭堅 撰

巖巖匡俗先生廬其下宮亭水所都北辰九關隔雲雨
南極一星在江湖相粘蠓山作居室竅鑿混沌無完膚
萬鼓春撞夜濤湧驪龍莫睡失明珠

落星開士深結屋龍閣老翁來賦詩

寺僧擇隆作宴坐
小軒為落星之勝

處

小雨藏山客坐久長江接天帆到遲燕寢清香與世

隔畫圖妙絕

一作
絕筆

無人知

僧隆畫甚富而寒
山拾得畫最妙

蜂房各自

開戶牖處處煮茶藤一枝

北風吹倒落星寺吾與伯倫俱醉眠螟蛉螺贏但癡坐

夜寒南北斗垂天

戲題落星寺壁時
與劉道純俱在

玉京軒

玉京山在爐峯下落
星寺僧開軒對之

蒼山其下向玉京五城十二樓鬱儀結鄰常杲杲紫雲
黃霧鎖玄關雷驅不祥電揮掃上有千年來歸之白鶴
下有萬世不凋之瑤草野僧雲卧對開軒一鉢安巢若
飛鳥北風卷沙過夜窗枕底鯨波撼蓬島箇中即是地
行仙但使心閒自難老

過致政屯田劉公隱廬

兒時拜公牀眼碧眉紫烟舍前架茅茨爐香坐僧禪女
奴煮罌粟石盆瀉機泉今來掃門巷竹間翁蛻蟬堂堂
列五老勝氣失江山石盆爛黃土茅齋薪壤塚女奴為
民妻又瘞蒿里園當年笑語地華屋轉朱欄課兒種松
子傘蓋上參天投策數去日木行天再環先生古人風
鐵膽石肺肝眼前不可意壯日掛其冠解衣廬君峯洗
耳瀑布源霧豹藏文章驚世時一斑衆人初易之久遠
乃見難憶昔子政在為翁數解顏五兵森武庫河漢落

舌端王陽已富貴塵冠不肯彈呻吟刊十史凡例墨新
乾宰木忽拱把相望風隧寒百楹書萬卷少子似翁賢

上參天一
作高參天

題杜欒澗叟冥鴻亭

少陵杜鴻漸頗薰知見香風流有諸孫結屋廬山陽藉
交游俠窟獵艷少年場光恠驚鄰里收身反摧藏江湖
拍天流羅網蓋稻梁安能衍衍飽遂欲冥冥翔畏影走
萬里不如就陰涼亭東亭西渺烟水稻田衲子交行李

古靈菴下倚寒藤莫向明窗鑽故紙

宮亭湖

左手作圓右手方世人機敏便可爾一風分送南北舟
斟酌鬼神宜有此江津留語同濟僧他日求我於宮亭
吁嗟人蓋自有口獨為樂公不舉酒樂公千歲湖冥冥
白茅縮酒巫送迎朱幡皂蓋來託宿不聽靈君專此屋
雄鴨去隨鷗鳥飛老巫莫歌望翁歸貝闕珠宮開水府
雨棟風簾豈來處平生來往湖上舟一官四十已包羞

靈君如願儻可乞收此桑榆老故丘

泊大孤山作

庚申二月

滙澤為彭蠡其容化鯤鵬中流擢寒山正色且無朋其
下蛟龍卧宮樵珠貝層朝雲與暮雨何處會高陵不見
凌波艤靚妝照澄凝空餘血食地猿嘯枯楠藤高帆駕
天來落葉聚秋蠅幽明異禮樂忠信豈其憑風波浩平
陸何向非履冰安得曠達士霜晴嘗一登

貴池

池人祀昭明為郭西九郎時新覆
大舟水死十二人以為神之威也

橫雲初抹漆爛漫南紀黑不見九華峯如與親友隔憶
當秋景明九老對几席何曾閉蓬窗卧聽寒雨滴不食
貴池魚喜尋昭明宅筆硯鼠行塵芝菌生銅鬲思成佳
句夢貽我錦數尺屬者浪吞舟風電更附益老翁哭婦
兒相將難再得存亡如日月薄蝕行道失流俗暗本原
謂神吐其食神理倘有私丘禱久以默

大雷口阻風

號幟下滄江避風大雷口天與水模糊不復知地厚誰

家上江帆狂追雪山走孤村無十室旅飯餘三韭黃蘆
麋鹿場此地廣千肘得禽多文章肯顧魚貫柳暴殄天
物悲彫弓故在手鹿鳴猶念羣雉媒竟賣友商人萬斛
船挂席上牛斗橫笛倚柁樓波深蒼龍吼失水不能神
伐葭作城守欲寄大雷書往問長干婦何當楫迎汝秦
淮綠如酒

庚寅乙未猶泊大雷口

廣原嘽終風發怒土囊口萬艘萍無根迺知積水厚龍

鱗火熒熒鞭笞雷霆走公私連檣休森如束春韭倚筇
蒹葭灣垂楊欲生肘雄文酬江山惜無韓與柳五言呻
吟內慚愧陶謝手送菜煩鄰船買魚熟溪父兒童報晦
冥正晝見箕斗吾方廢書眠鼻鼾齕囊吼猶防盜窺家
嚴鼓申夜守治城謝公墩牛渚蕩子婦何時快登臨篙
師分牛酒

乙未移舟出口

畏風濤復入遂宿馬同行有劉三
班善射沙夾過盜劉手殺三人

江湖吞天胃蛟龍垂涎口養軀無千金特為親故厚本

心非華軒而與馬爭走聘婦緝落毛教兒擣蔥韭衣食
端須幾將老猶掣肘安能詭隨人曲折作杞柳桓公甕
益癭楚國不龜手生涯但如此那問託婚友久陰快夜
晴天文若科斗村南鬼火寒村北風虎吼野人驅雞豚
縛落堅纏守劉郎弓石八猛氣壓馮婦一試金僕姑歸
飲軟臂酒

丙申泊東流縣

語曰東流連
客驚動建德

前日發大雷真成料虎頭今日伐鼓出棹歌傲陽侯滄

江百折來及此始東流東流會賓客建德椎羊牛野語
尚信然小市黃蘆洲唯有采薪翁經營往來舟楫樵盡
斤斧山童烟雨愁

阻風銅陵

頓舟古銅官晝夜風雨黑洪波崩奔去天地無限隔船
人謹維竿何暇思掛席憑江裂嵌空中有暗水滴洞視
不敢前潭潭蛟龍宅網師登長鱸賈我腥釜鬲斑斑被
文章突兀喙三尺言語竟不通噉啜亦何益魁梧類長

老卒以筌餌得浮沈江湖中波友永相失有生甚苦相
細大更噉食安得無垢稱對榻忘語默

阻水泊舟竹山下

竹山蟲鳥朋友語討論陰晴怕風雨丁寧相教防禍機
草動塵驚忽飛去提壺歸去意甚真柳暗花濃亦半春
北風幾日銅官縣欲過五松無主人

金陵

豪士阻江海瓜分域中權真人開闢梁曾不費鏃弦六

朝妙人物蔓草縈寒烟至今哀江南詠歌在漁船窮山
虎豹穴破衲擁高年青天行日月坐看磨蟻旋身將時
共晚道與世相捐猶能攬壯觀巨浸朝百川

時秀禪師在鍾山寺

十月十三日泊舟白沙江口

真州唐永正縣之白沙鎮也

岸江倚帆檣已專北風權飛霜挾月下百竿直如絃綠
水去清夜黃蘆搖白烟篙人持更析相語聞並船平生
濯纓心鷗鳥共忘年風吹落塵網歲星奔回旋險艱自
得力細故可棄捐至今夢洶洶呼禹濟黃川

河出崑崙墟色白其

渠一千七百

一川黃色

發白沙口次長蘆

篙師救首尾我為制中權掛席滿風力如椎強弩絃曉
放白沙口長蘆見炊烟一葉託秋雨滄江百尺船反觀
世風波誰能保長年念昔聲利區與世闕周旋大道甚
閒暇百物不廢捐誰知目力淨改觀舊山川

阻風入長蘆寺

福公開百室不借鄰國權法筵生龍象天樂下管絃我

來雨花地依舊薰爐烟金碧動江水鐘魚到客船茗椀
洗昏著經行數走年歲寒風落山故鄉喜言旋林回負
赤子白璧乃可捐侍親如履氷風雨森暗川

次韻伯氏長蘆寺下

風從落帆休天與大江平僧坊畫亦靜鐘磬寒逾清淹
留屬暇日植杖數連薨頗與幽子逢煮茗當酒傾攜手
霜木末朱欄見潮生檣移永正縣烏度建康城薪者得
樹鷄羹美味南烹香杭炊白玉飽飯愧閒行叢祠思歸

樂吟弄夕陽明思歸誠獨樂薇蕨新春榮

別蔣穎叔

金城千里要人豪理君亂絲須孟勞文星合在天東壁
清都紫微醉雲璈荆溪居士傲軒冕曾吞雲夢如秋毫
三品衣魚人仰首不見金牛可下刀秦川渭水森長戟
方壺蓬萊冠巨鼇萬釘寶帶瑀狔席獻納論思侍赭袍連
營貔虎湛如水開盡西河擁節旄何時出入諸公間淮
湖閱船今二毛鑿渠決策與天合支祈窘束縮怒濤衣

食京師看上計陛下文武收英髦春風淮月動清鑒白
拂羽扇隨輕舸下榻見賢傾禮數後車載士回風騷斷
鼻於郢觀魚於濠小夫閔人蓋多矣幾成季咸三見逃

贈別李端叔

我觀江南山如目不受垢憶食江南薇子獨於我厚在
北思江山如懷冰雪顏千峯上雲雨岑絕何由攀當時
喜文章各有兒子氣爾來領鬚白有兒能拜起讀書浩
湖海解意開春冰成山更崇崛顧我醜丘陵白玉著石

中與物太落落涇渭相將流世不名清濁乞言既不易
贈言良獨難古來得道人挂舌屋壁間牧羊金華道載
酒太玄宅支頤聽晤語願君喙三尺我行風雨夜船窗
聞遠雞故人不可見故人心可知

汴岸置酒贈黃十七

吾宗端居藪百憂長歌勸之肯出遊

一作百丈暮卷篙人休侵星爭前猶

幾黃流不解浣明月碧樹為我生涼秋初平羣羊置莫問

叔度千頃醉即休

一作詩吟吾黨夜來作酒賈田翁社後篇

誰倚柁樓吹玉

笛斗杓寒挂屋山頭

曉放汴舟

秋聲滿山河行李在梁宋川塗事雞鳴身亦逐羣動霜
清魚下流橘柚入包貢又持三十口去作江南夢

次盱眙同前韻

去此二十年持家西過宋起予者白鷗歸興爰飛動宮
殿明寶坊山川開禹貢破浪一帆風更占夢中夢

外舅孫莘老守蘇州留詩斗野亭庚申十月庭堅

和

謝公所築埭未歎曲池平
蘇州來賦詩句與秋氣清
僧構擅空闊浮光飛棟薨
唯斗天司南其下百瀆傾
貝宮產明月含澤遍諸生
槃礴淮海間風烟侵十城
籟簫吹木末浪波沸庖烹
我來抄搖落霜清見魚行
白鷗遠飛來得我若眼明
佳人歸何時解衣繞廂榮

題大雲倉達觀臺二首

戴郎臺上錦面平
達人大觀因我名
何時燕爵賀新屋

喚起竹枝歌月明

瘦藤拄到風烟上
乞與遊人眼豁開
不知眼界闊多少
白鳥飛盡青天回

庭堅得邑太和六舅按節出同安邂逅於皖公溪
口風雨阻留十日對榻夜語因詠誰知風雨夜
復此對牀眠別後更覺斯言可念列置十字字
為八句寄呈十首

鵲白不以烏蘭香端為誰外家秉明德晚與世參差乖

離歲十二會面卒少期何言瀉丘底玉稻同一炊
滄江渺無津同濟共安危四海非不廣舅甥自相知孔
鸞在棹梅鷓鴣亦一枝千里同明月相期不磷緇

少小長母家拊憐輩諸童食貧走八方畧已一老翁不
能成宅相頗似舅固窮何以報嘉德取琴作南風

一作
鼓琴

歌南
風

德人心寂寥立朝實莊語虎節坐山城孤雲猶能雨文
章被甥姪孝友諧婦女偃息一畝宮植梅當歌舞

江都克家才萬卷書插架願言渠出仕從舅問耕稼誰
云瀕老境此子即長夜歸歟祿前期蒔橘鉏甘蔗

江都尉李

攄字
安詩

曩窺涉世方白駒且場穀平生漫歲晚志尚向山木返
身觀小醜真成覆車犢否臧太磊磊從此更三復

負薪反羊裘愛表只

一作亦

傷裏補紉雖云工歲晏安可

恃洗心如秋天六合無塵滓浮雲風去來在彼不在此
阿髯學升堂

德叟

幹毋思靡悔文成藝桃李不言行道兌

阿蘇妙言語機警欲無對子姓何預人蘭玉要可珮

阿蘇弟氏

子叙

解衣取相語濤波夜掀牀十年身百憂險阻心已降涉
旬風更雨宿昔燭生光衾幃無端冷明月一船霜

親依為日淺愛不舍我眠教我如牧羊更著後者鞭得
邑邇梅嶺開花向春妍碌碌幸苟免稱觴大人前

同蘇子平李德叟登擢秀閣

築屋皖公城木末置曲欄歲晚對烟景人家橘柚間獨

占司命峯衆口讓高寒松竹二橋宅雪雲三祖山
衰懷造勝境轉覺落筆難蘇李工五字屬聯不當慳

書石牛溪旁大石上

鬱鬱窈窈天官宅諸峯排霄帝不隔六時謁天開
闕鑰我身金華牧羊客羊眠野草我世間高真衆
靈思我還石盆之中有甘露青牛駕我山谷路

題山谷大石

畏畏

音委

佳佳

音背

石谷水蓼蓼隆隆山木風爐香四百六

十載開山者誰梁寶公

靈龜泉上

大靈壽日月化石皖公陂偶無斧斤尋不作宰上碑傾
首若有謂指泉來自西泉甘崖木老坐歎欲忘歸風流裴

通直

一作裴翳
喜幽事

商畧從我嬉時梅盈百科洗石出崛奇

更約聘石工鑱我靈龜詩舅弟李德叟妙學古須

眉卿家北海公筆法可等夷為我書斯文要與斗

牛垂

發舒州向皖口道中作寄李德叟

黑雲平屋簷

一作崔嵬
雲墜空

晨夜隔星月曉衰商旅前冰底

泥活活野人讓畔耕

一作侵
畔耕

蹇馬不能滑駝裘惜蒙茸

俱落水塘缺孤村小蝸舍乞火乾履韞前登極崢嶸

一作

高寒

他日飛鳥沒寒花委亂草耐凍鳴風葉

一作耐凍風
葉間梅含零

發亂

江形篆平沙分派回勁筆髯弟不俱來得句漫剗剗

一作漫得
句奇崛

却望同安城唯有松鬱鬱遙知浦口晴諸峯

見明雪

一作
松雪

豐城

亭上有李衛公劍池賦世父長善石隄記

豐城邑巖巖水種六萬戶石隄眠長虹輟棹日沈霧令
君政有聲新亭延客步淚落世父碑心傾文饒賦憶昔
兩神兵埋獄思武庫寒光射漢津兩賢紆一顧張公拆中
台木拱孔章墓不能從兒嬉歲晚龍蛇去空餘寒泉
泓因雨長蛙鮒鉛刀藏寶室萬世同此度

與胡彥明處道飲融師竹軒

井寒茶鼎甘竹密午陰好瓜嘗邵平種酒為何侯倒倦

須臾礪羸歸可倒著帽欲去更少留道人談藥草

何氏悅亭詠栢

澗底長松風雨寒岡頭老栢顏色悅天生草木臭味同
同盛同衰見冰雪君莫愛清江百尺船刀鋸來謀歲寒
節千林無葉草根黃蒼髯龍吟送日月

薄薄酒二章

并序

蘇密州為趙明叔作薄薄酒二章憤世疾邪其言甚
高以予觀趙君之言近乎知足不辱有馬少游之餘

風故代作二章以終其意

薄酒可與忘憂醜婦可與白頭徐行不必駟馬稱身不
必狐裘無禍不必受福甘餐不必食肉富貴於我如浮
雲小者譴訶大戮辱一身畏首復畏尾門多賓客飽僮僕
美物必甚惡厚味生五兵匹夫懷璧死百鬼瞰高明醜
婦千秋萬歲同室萬金良藥不如無疾薄酒一談一笑
勝茶萬里封侯不如還家

薄酒終勝飲茶醜婦不是無家醇醪養牛等刀鋸深山

大澤生龍蛇秦時東陵千戶食何如青門五色瓜傳
呼鼓吹擁部曲何如春雨一池蛙性剛太傅促和藥何
如羊裘釣烟沙綺席象牀瑤玉枕重門夜鼓不停撾何如
一身無四壁滿船明月卧蘆花吾聞食人之肉可隨以
鞭撲之戮乘人之車可加以鈇鉞之誅不如薄酒醉眠
牛背上醜婦自能搔背痒

崑下放言五首

林居野處而貫萬事花落鳥啼而成四時物有才德水

為官師空明湛羣木之影搏擊下諸峯之巖游魚淨而

知機君子樂而忘歸

釣臺

水嬉者游魚林樂者啼鳥志士仁人觀其大薪翁筍婦
利其小有美一人獨燕居萬物之表

池亭

石生涯於寒藤藤耆造於崖樹鰲插翼而成鵬隘六合
而未翥我來今自東攀桂枝兮容與倚嵌巖兮顧同來
謂公等其皆去

冠鰲臺

石蘊璵璠山得其采之澤木無犧象天開不材之祥此

金鑪之突兀其山海之來翔然以明哲之火熏以忠信

之香俯仰一時非智所及付與萬世其存者長

博山臺

蒼苔古木相依澗壑之濱黃葛女蘿自致風雲之上人就陰而息跡鳥投暮而來歸水影林光常相助發溪聲

斧響直下稱提

靈椿臺

題章和甫釣亭

放言

斬木開亭却倚石壁寒灘百雷古木千尺觀魚樂而相忘聽鳥啼而自得去而京洛之間數年猶嘗夢嶄嵒之

石

贈元發弟

放言

虧功一簣未成丘山鑿井九階不次水澤行百里者半
九十小狐汔濟濡其尾故曰時乎時不再來終終始始
是謂君子

定交詩效鮑明遠體呈晁無咎

以建除滿平定執
破危成收開閉十

二字冠
句首

建酉金為政搖落草木衰除瓜瓞畝淨邵平無米炊滿

家色藜藿詩書不凋饑平生晁公子政用此時來定交
無一物秋月以為期執持荆山璧要我雕琢之破斧不
能柯况乃玉無疵危冠論百揆備樂奏四時成功彼有
命用舍君自知收身渺江湖歲晚白鳥嬉開徑蒲葦中
倚鉏望君歸閉塞乃非道不才當爾為

建鼓求亡子元非入耳歌除去綠綺塵水深山峩峩滿
堂悅秦聲君獨用此何平分感秋節空闊湛金波定夜
百蟲息高論聽懸河執攬北斗柄斟酌四時和破屋仰

見星得子喜且多危柱無安絃野水自盈科成道在禮
樂成山在丘阿收此桑榆景相從寄琢磨開懷溟海闊
百怪出蛟鼉閉藏願自愛驚人取譴訶

碾建溪第一奉邀徐天隱奉議并效建除體

建溪有靈草能悅詩人骨除草開三逕為君碾玄月滿
甌泛春風詩味生牙舌平斗量珠玉以救風雅渴定知
胃中有璀璨非外物執虎探虎穴斬蛟入蛟室破鏡挂
西南夜闌清興發危言諸公上殊勝弄翰墨成仁冒鼎

鑊聞已歸諫列收汝救月弓蛙腹當拆裂開雲照四海
黃道行堯日閉門斲車輪出門同軌轍

再作答徐天隱

建德真樂國萬里渺中州除蕩俗氛盡心如九天秋滿
船載明月乃可與同遊平生期斯人共挾風雅輶定知
詩客來夜虹貫斗牛執斧修月輪鍊石補天陬破的千
古下乃可泣曹劉危柱鳴哀箏知音初見求成功在漏
刻堯舜去共吸收此文章戲往作活國謀開納傾萬方

皇極運九疇閉姦有要道新舊隨材收

重贈徐天隱

建極臨萬邦稽古陛下聖除書日日下有耳家相慶滿意見升平父老扶杖聽平生所傳聞似仁祖德性定鼎百世長橐弓四夷靜執事當在朝官冷殊未稱破帽風吹歌簡易不騎乘危顛相扶持泉石供嘲詠成樂澗阿中傲世似未敬收潦下秋船期公拜嘉命開元貞觀事身得見全盛閉門長蓬蒿或許老夫病

八音歌贈晁堯民往常與堯民論出處之致未竟

故終言之

金生寒沙中見別會有時石上千年栢材高用苦遲絲
亂猶可理心亂不可治竹齋聞履聲迺是故人來匏苦
只多葉水深難為涉土牀不安席象牀卧熒熒革與井
同功守道非關怯木直常先伐樗櫟萬世葉

八音歌贈晁堯民

金荷酌美酒夫子莫留殘石有補天材虎豹守九關絲

窠將柳花入戶撲衣冠竹風搖永日思與子盤桓匏瓜豈
無匹自古同心難革急而韋緩只在揉化間木桃終報
汝藥石理予顏

古意贈鄭彥能

金欲百鍊剛不欲繞指柔石羊卧荒草一世如蜉蝣絲
成蠶自縛智成龜自囚竹箭天與美豈願作噉矢匏枯
中笙竽不用繫墻隅土偶與木偶未用相賢愚革轍要
合道覆車還不好木訥赤子心百巧令人老

贈無咎

金馬避世客談諧玩漢朝石門抱關人長往閉寂寥絲
蟲日夜織勞苦則以食竹生罹斧斤高林乃其賊匏樽
酌吾子雖陋意不淺土德貴重遲水德貴深遠革能談
鯤鵬晚乃得莊周木鴈兩不居相期無待游

二十八宿歌贈別無咎

虎剥文章犀解角食未下亢竒禍作藥材根底罹斲掘
蜜蟲奪房抱饑渴有心無心材慧死人言不如龜曳尾

衛平哆口無南箕斗柄指日江使噫孤腋牛衣同一燠
高丘無女甘獨宿虛名挽人受實禍累棊既危安處我
室中凝塵散髮坐四壁蠹蠹見天下奎蹄曲隈取脂澤
婁猪父歿彼何擇傾腸倒胃得相知貫日食昴終不疑
古來畢命黃金臺佩君一言等觚觴月沒參橫惜相違
秋風金井梧桐落故人過半在鬼錄柳枝贈君當馬策
歲晏星回觀盛德張弓射雉武且力白鷗之翼沒江波
抽絃去軫君謂何

壽聖觀道士黃至明開小隱軒太守徐公為題曰
快軒庭堅集句詠之

金華牧羊兒一粒粟中藏世界使君從南來清風明月
不用一錢買盧鵲杓鸚鵡杯一杯一杯復一杯玉山自
倒非人推廬山秀出南斗傍登高送遠形神開銀河倒
挂三石梁砮崖倒石萬壑雷吟詩作賦北窗裏安得青
天化作一張紙長鯨白齒若雪山我願因之寄千里

銅官縣望五松山

集句

北風無時休崩浪聒天響蛟鼉好為祟此物神俱王我
來五松下白髮三千丈松門閉青苔惜哉不得往今日
天氣嘉清絕心有向子雲性嗜酒況廼氣清爽此人已
成灰懷賢盈夢想衣食當須幾吾得終踈放弱女雖非
男出處同世網搔背牧雞豚相見得無恙

荊州即事藥名詩八首

四海無遠志一溪甘遂心牽牛避洗耳卧著桂枝陰
前胡後湖水初夏半夏涼夜闌鄉夢破一鴈度衡陽

千里及歸鴻半天河影東家人森戶外笑擁白頭翁
天竺黃卷在人中白髮侵客至獨掃榻自然同此心
垂空青幕六一一排風開石友常思我預知子能來
幽澗泉石綠閉門聞啄木運柴胡奴歸車前掛生鹿
雨如覆盆來平地沒牛膝回望無夷陵天南星斗濕
使君子百姓請雨不旋復守田意飽滿高壁掛龍骨

山谷外集卷五

欽定四庫全書

山谷外集卷六

宋 黃庭堅 撰

律詩

徐孺子祠堂

喬木幽人三畝宅生芻一束向誰論
藤蘿得意干雲日簫鼓何心進酒樽
白屋可能無孺子黃堂不是欠陳蕃
古人冷淡今人笑湖水年年到舊痕

送徐隱父宰餘干二首

地方百里身南面
翻手冷霜覆手炎
贅壻得牛庭少訟
長官齋馬吏爭廉
邑中丞掾陰桃李
案上文書畧米鹽
治狀要須聞豈弟
此行端為霽威嚴

天上麒麟來下瑞
江南橘柚間生賢
玉臺書在猶騷雅
孺子亭荒只草煙
半世功名初墨綬
同兄文字敵青錢
割雞不合庖丁手
家傳風流更著鞭

答德甫弟

鴛啼花發獨愁思，憐子三章怨慕詩。
鴻鴈雙飛彈射下，鵲鴒同病急難時。
功名所在猶爭死，意氣相須尚不移。
何況極天無以報，林回投壁負嬰兒。

時以父事兄弟俱在縲紲

何造誠作浩然堂，陳義甚高然頗喜。
度世飛昇之

術，築屋飯方士，願乘六氣遊天地間。
故作浩然

詞二章贈之

公欲輕身上紫霞，瓊糜玉饌厭豪奢。
百年世路同朝菌，九鑰天關守夜叉。
霜檜在庭空白鹿，金鑪同契漫丹砂。

金史卷之七
卷六
要令心地閒如水萬物浮沈共我家

萬物浮沈共我家清明心水徧河沙無鉤狂象聽人語
露地白牛看月斜小雨呼兒斲桃李踈簾幃客轉琵琶
塵塵三昧開門戶不用丹田養素霞

題前定錄贈李伯牖二首

五賊追奔十二宮白頭寒士黑頭公明朝一飯先書籍
安用研桑作老翁

萬般盡被鬼神戲看取人間傀儡棚煩惱自無安脚處

從他鼓笛弄浮生

駐輿遣人尋訪後山陳德方家

江雨濛濛作小寒雪飄五老髮毛斑城中咫尺雲橫棧
獨立前山望後山

池口風雨留三日

孤城三日風吹雨小市人家只菜蔬水遠山長雙屬玉
身閒心苦一春鋤翁從旁舍來收網我適臨淵不羨魚
俛仰之間已陳迹暮窗歸了讀殘書

揚州戲題

春風十里珠簾捲
髻髻三生杜牧之
紅藥梢頭初繭栗
揚州風物鬢成絲

思親汝州作

歲晚寒侵遊子衣
拘留幕府報官移
五更歸夢三百里
一日思親十二時
車上吐茵元不逐
市中有虎竟成疑
秋毫得失闕何事
總為平安書到遲

次韻戲荅彥和

彥和年四十休
官杜門不出

本不因循老鏡春江湖歸去作閒人天於萬物定貧我
智効一官全為親布袋形骸增硯磊錦囊詩句愧清新
杜門絕俗無行迹相憶猶當遣化身

衝雪宿新寨忽忽不樂

縣北縣南何日了又來新寨解征鞍山銜斗柄三星沒
雪共月明千里寒小吏忽一作有時須束帶故人頗問不

休官江南長盡梢雲竹歸及春風斬釣竿

郭明父作西齋于潁尾請予賦詩二首

食貧自以官為業聞說西齋意凜然萬卷藏書宜子弟
十年種木長風煙未嘗終日不思顧想見先生多好賢
安得雍容一樽酒女郎臺下水如天

東京望重兩并州遂有汾陽整綴旒翁伯入關傾意氣
林宗異世想風流君家舊事皆青史今日高材未白頭
莫倚西齋好風月長隨三徑古人遊

睡起

彷彿江南一夢中虛堂盡日轉溫風春深稍覺袂衣重

晝永不知樽酒空

戲詠江南土風

十月江南未得霜
高林殘水下寒塘
飯香獵戶分熊白
酒熟漁家擘蟹黃
橘摘金苞隨驛使
禾舂玉粒送官倉
踏歌夜結田神社
游女多隨陌上郎

和荅孫不愚見贈

詩比淮南似小山
酒名麴米出雲安
且憑詩酒勤春事
莫愛兒郎作好官
簿領侵尋台相筆
風埃蓬勃使星鞍

小臣才力堪為掾敢學前人便掛冠

次韻裴仲謀同年

交蓋春風汝水邊客牀相對卧僧氈舞陽去葉纔百里
賤子與公俱少年白髮齊生如有種青山好去坐無錢
煙沙篁竹江南岸輸與鸕鷀取次眠

次韻寄滑州舅氏

舫齋聞有小溪山便是壺公謫處天想聽瑣窗深夜雨
似看葉水上江船瞻相白馬津亭路寂寞雙鳬古縣前

舅氏知甥最踈懶折腰塵土解哀憐

病起次韻和稚川進叔倡酬之什

池塘夜雨聽鳴蛙老境侵尋每憶家白髮生來驚客鬢
黃粱炊熟又春華百年不負膠投漆萬事相依葛與瓜
勝日主人如有酒猶堪扶病見鶯花

稚川約晚過進叔次前韻贈稚川并呈進叔

人騎一馬鈍如蛙行向城東小隱家道上風埃迷皂白
堂前水竹湛清華我歸河曲定寒食公到江南應削瓜

金匱要略卷之六
樽酒光陰俱可惜端須連夜發園花

和荅登封王晦之登樓見寄

縣樓三十六峯寒王粲登臨獨倚欄清坐一番春雨歇
相思千里夕陽殘詩來嗟我不同醉別後喜君能自寬
舉目盡妨人作樂幾時歸得釣鮑桓

伯氏到濟南寄詩頗言太守居有湖山之勝同韻
和

西來黃犬傳佳句知是陸機思陸雲歷下樓臺追把酒

舅家賓客厭論文山椒欲雨好雲氣湖面逆風生水紋
想得爭碁飛鳥上行人不見只聽聞

同世弼韻作寄伯氏在濟南兼呈六舅祠部學士
山光掃黛水接藍聞說樽前愜笑談伯氏清修如舅氏
濟南蕭灑似江南屢陪風月乾吟筆不解笙篴醉舞衫
只恐使君乘傳去拾遺今日是前銜

世弼惠詩求舜泉輒欲以長安酥共泛一杯次韻
戲荅

寒齋薄飯留佳客
蠹簡殘編作近鄰
避地梁鴻真好學
著書揚子未全貧
玉酥鍊得三危露
石火燒成一片春
沙鼎探湯供卯飲
不憂問字絕無人

伯父祖善耆老好學於所居紫陽溪後小馬鞍山
為放隱齋遠寄詩句意欲庭堅和之幸師友同

賦率爾上呈

樵入千巖靜松含萬籟寒
兒童給行李藜藿對衣冠
小檻聊防虎時來即解鞍
阿翁吹笛罷懷昔淚相看

倉後酒正廳昔唐林夫謫官所作十一月己卯余
納秋租隔墻芙蓉盛開

攀檻朱雲頭未白不知流落向何州空餘前日學書地

小閣紅蕖取意秋

林夫喜
作隸字

自咸平至太康鞍馬間得十小詩寄懷晏叔源并

問王稚川行李鵝兒黃似酒對酒愛新鵝此他

日醉時與叔源所詠因以為韻

詩入雞林市書邀道士鵝雲間晏公子風月興如何

春風馬上夢樽酒故人持猶作狂詩語鄰家乞侍兒

川雅

醉時作

旁午狀

憶同嵇阮輩醉卧酒家牀今日壚邊客初無人姓黃
對酒誠獨難論詩良不易人生如草木臭味要相似
春色挾曙來惱人似官酒酬春無好語懷我文章友
紅梅定自開有酒無人對歸時應好在常恐風雨晦
東南萬里江綠盡一杯酒王孫江南去更得消息否
獻笑果不情貌親初不愛誰言百年交投分一傾蓋

四十垂垂老文章豈更新鼻端如可斲猶擬為揮斤

土氣昏風日人囂極鴈鵝尋河著

音所

繩墨詩思畧無多

次韻蓋郎中率郭郎中休官二首

仕路風波雙白髮閒曹笑傲兩詩流故人相見自青眼
新貴即今多黑頭桃葉柳花明曉市荻芽蒲笋上春洲
定知聞健休官去酒戶家園得自由

郭文時御道中野服過親黨飯頗為

分臺御史所

訶故有此句

世態已更千變盡心源不受一塵侵

一作險阻艱難親得力是非憂樂飽

經心青春白日無公事紫燕黃鸝俱好音付與兒孫知伏

臘聽教魚鳥逐飛沈黃公壚下曾知味定是逃禪入少

林

和張沙河招飲

張侯耕稼不逢年過午未炊兒女煎腹裏雖盈五車讀
囊中能有幾錢穿况聞縕素尚黃葛可怕雪花鋪白氈
誰料丹徒布衣侶今朝忽有酒如川

閏月訪同年李夷伯子真於河上子真以詩謝次

韻

十年不見猶如此未覺斯人歎滯留
白壁明珠多按劍濁涇清渭要同流
日晴花色自深淺風軟鳥聲相應酬
談笑一樽非俗物對公無地可言愁

乞猫

秋來鼠輩欺猫死窺甕翻盤攪夜眠
聞道狸奴將數子買魚穿柳聘街蟬

書扇

金史卷之八
魯公筆法屋漏雨未減石軍錐畫沙可惜團團新月面
故教零亂黑雲遮

次韻郭右曹

閱世行將老斲輪那能不朽見仍雲歲中日月又除盡
聖處工夫無半分秋水寒沙魚得計南山濃霧豹成文
古心自有著鞭地尺璧分陰未當勤

次韻元日

會朝四海登圖籍絳闕青都想盛容春色已知回寸草

霜威從此霽寒松飲如嚼蠟初忘味事與浮雲去絕蹤
四十九年遂伯玉聖人門戶見重重

和荅李子真讀陶庾詩

樂易陶彭澤憂思庾義城風流掃地盡詩句識餘情往
者不再作前賢畏後生君宜得意處此意少人明

次韻荅柳通叟求田問舍之詩

少日心期轉繆悠蛾眉見妬且障羞但令有婦如康子
安用生兒似仲謀橫笛牛羊歸晚徑捲簾瓜芋熟西疇

功名可致猶回首何況功名不可求

催公靜碾茶

雪裏過門多惡客

不飲者為惡客
出元次山集中

春陰只惱有情人睡

魔正仰茶料理急遣溪童碾玉塵

用前韻戲公靜

偶逢攜酒便與飲竟別我為何等人
兔月龍團不當惜
長卿消渴肺生塵

和謝公定河朔漫成八首

急雨長風溢兩河欣然河伯順風歌行觀東海方存少
不以黃流更自多

直渠殺勢煩才更機器爬沙聚水兵河面常從天上落
金堤千里護都城

直令南越還歸帝誰為匈奴不敢王願見推財多卜式
未須算賦似桑羊

萊公廟畧傳耆舊韓令風流在井疆安用鳴鑾增漢壘
不妨羅拜下諸羌

漢時水占十萬頃官寺民居皆濁河豈必九渠亡故道
直緣穿鑿用功多

虜庭數遣林牙使羌種來窺鴈塞耕壯士看天思上策
月邊鳴笛為誰橫

蛛蒙黃畫屏初暗塵溢金門鎖不開六十餘年望琯輦
赭袍曾是映宮槐

百里棄疆王自直萬金捐費物皆春須令牧馬甘踰幕
更遣彎弓不射人

武陵

武陵樵客出桃源
自許重遊不作難
却覓洞門煙鎖斷
歸舟風月夜深寒

過平輿懷李子先時在并州

前日幽人佐吏曹
我行堤草認青袍
心隨汝水春波動
興與并門夜月高
世上豈無千里馬
人中難得九方臯
酒船魚網歸來是
花落故溪深一篙

謝曉純送衲轡

金史卷之六
卷六
剗草曾升馬祖堂暖窗接膝話還鄉贈行百衲兜羅韞
處處相隨入道場

避暑李氏園二首

李侯別館鎖春陰花徑吹香可細尋
迸笋侵階藤倒架
主人重為費千金

荷氣竹風宜永日冰壺涼簟不能回
題詩未有驚人句
會喚謫仙蘓二來

戲題大年防禦蘆鴈

揮毫不作小池塘
蘆荻江村落鴈行
雖有珠簾藏翡翠
不忘煙雨罩鴛鴦

平原宴坐二首

公擇

老作儒生不解事
江南有田歸荷鋤
北窗風來舉書葉
猶自勸人勤讀書

黃落委庭觀元州
蟲聲日夜戒衣裘
金錢滿地無人費
一斛明珠惹涼秋

次韻舍弟題牛氏園二首

六言

春與園林共催人將蜂蝶俱來樽前鳥歌花舞歸路星
翻漢回

春事欲了鶯催主人雖貧燕來玉燭傳盃未厭金吾靜
夜驚回

謝送宣城筆

宣城變樣蹲

一作尊

鷄距諸葛名家將

一作將

鼠鬚一束喜

從公處得千金求買市中無漫投墨客摹科斗勝與朱
門飽蠹魚愧我初非草玄手不將閒寫吏文書

王彥祖惠其祖黃州制草書其後

脫畧看時輩諸君等發蒙董狐常直筆汲黯少居中鵬
入遷臣舍烏號厭世弓平生有嘉樹猶起九原風

寄懷公壽

好賦梁王在日邊重簾複幕鎖神仙莫因酒病踈桃李
且把春愁付管絃愚知相懸三十里榮枯同有百餘年
及身強健且行樂一笑端須直萬錢

以金沙酴醾送公壽

天遣醪醕玉作花紫綿揉色染金沙憑君著意樽前看
便與春工立等差

同劉景文遊郭氏西園因留宿

人居城市虛華館秋入園林著晚花落日臨池見科斗
必知清夜有鳴蛙

張仲謀家堂前醪醕委地

沈水衣籠白玉苗不蒙湔拂苦無聊煩君斫取西莊柳
扶起春風十萬條

贈陳元興祠部

武成園木鎖中秋久得汀州刺史遊
招喚丁寧方邂逅
誰言天網漏吞舟

和陳君儀讀楊太真外傳五首

朝廷無事君臣樂
花柳多情殿閣春
不覺胡雛心暗動

一作付與山
河買忠義
綺羅翻一作更
作墜樓人

扶風喬木夏陰合
斜谷鈴聲秋夜深
人到愁來無處會
不關情處總傷心

梁州一曲當時事

一作開元夢

記得曾拈玉笛吹端正樓空

春晝永小桃猶學淡燕支

高麗條脫瑠紅玉

一作一雙條脫玻璃玉

邂逅琵琶撚綠絲

一作三尺

琵琶綠繭絲

蛛網屋煤昏故物

一作脂澤歇

此生唯有夢來時

上皇曾御昭儀傳鏡裏觀形只眼前養得祿兒傾四海
千秋更有一伶玄

讀曹公傳

并序

曹公自以勲高宰衡文對西伯蟬蛻揖讓之中而用

漢室於家巷更黨錮之災義士忠臣耘除畧盡獻靈
之間北面朝者拱而觀變漢魏何擇焉彼見宗廟社
稷之無與也執太阿而用其穎以司一世之命左右
無不得意引後宮於鈇鉞如刈蒲茅夫匹婦婢使得
罪家人猶為謝過而親北面受命之君自以為未知
死所嗚呼厲憐王其誰曰過言雖然終已恭讓腹毒
而色取仁任丕以易漢姓者何也漢之末造雖得罪
於社稷骨鯁之臣而猶不得罪於民故猶相與愛其

名耳余聞曰道揆以上惠不足而明有餘不在社稷
而數有功梁盛殆其不繼哉感之作曹公詩一章

南征北伐報功頻劉氏親為魏國賓畢竟以丕成霸業
豈能於漢作純臣兩都秋色皆喬木二祖恩波在細民
駕馭英雄雖有術力扶宗社可無人

雜詩

古風蕭索不言歸貧賤交情富貴非世祖本無天下量
子陵何慕釣魚磯

同謝公定攜書浴室汶師置飯作此

竹林風與日俱斜細草猶開一兩花天上歸來對書客

愧勤僧飯更煎茶

客一作卷

謝人惠茶

一規蒼玉琢蜿蜒藉有佳人錦段鮮莫笑持歸淮海去
為君重試大明泉

暮到張氏園和壁間舊題

邵平不見見園瓜三徑還尋二仲家莫道暫來無所得

未秋先見碧蓮華

從人求花

舍南舍北鶉姑啼
體中不佳陰雨垂
欲向黃梅問消息
背陰合有兩三枝

楸宗奉議有佳句
詠冷庭叟野居庭
堅於庭叟有十八
年之舊故次韻贈
之庭叟有佳侍兒
因早朝而逸去其
後迺插椒藩甚嚴
密

城西冷叟半忙閒
人道王陽得早還
四望樓臺皆我有

一原花竹住中間初無狗盜窺
離落底事蛾眉失鎖闌
每為朝天三十里時時驚枕夢催班

李濠州挽詞二首

循吏功名兩漢中平生風義最雍容
魚遊濠上方云樂鵬在承塵忽告凶
掛劔自知吾已許脫驂不為涕無從
百年窮達都歸盡淮水空圍墓上松

禮數最優徐孺子風流不減謝宣城
那知此別成千古未信斯言隔九京
落日松楸陰隧道西風簫鼓送銘旌

善人報施今如此隴水長寒鳴咽聲

寄家

近別幾日客愁生固知遠別難為情夢回官燭不盈把
猶聽驕兒索乳聲

衛南

今年畚鍤棄春耕折葦枯荷繞壞城白鳥自多人自少
污泥終濁水終清沙場旗鼓千人集漁戶風煙一笛橫
唯有鳴鷗古祠相對人猶是向時情

酒

江形園似阮家盆
山勢岑如北海樽
戶有浮蛆春盎盎
雙松一路醉鄉門

急雪寄王立之問梅花

紅梅雪裏與蓑衣
莫遣寒侵鶴膝枝
老子此中殊不淺
尚堪何遜作同時

又寄王立之

南人羈旅不成歸
夢遶南枝與北枝
安得孤根連夜發

金匱要略卷六
要當雪月並明時

歲寒知松栢

松栢天生獨青青貫四時心藏後凋節歲有大寒知慘
淡水霜晚輪囷澗壑姿或容螻蟻穴未見斧斤遲搖落
千秋靜婆娑萬籟悲鄭公扶貞觀已不見封彝

效進士作觀成都石經詩

成都九經石歲久麝煤寒字畫參工拙文章可鑒觀危
邦猶勸講相國校雕刊羣盜煙塵後諸生竹帛殘王春

尊孔氏乙夜詔甘盤願比求諸野成書上學官

送徐景道尉武寧二首

李苦少人摘酒醇無巷深當官莫避事為吏要清心
葛藟松千尺寒泉縷百尋公朝有汲引吾子茂徽音

黃綬補一尉還依水竹居身隨南渡馬書寄北來魚風
俗譜鄰並艱難試事初官閒莫歌舞教子誦詩書

杜似吟院兩首

日長吟院無公事燕入花開必有詩莫道南風吹鴈去

春來亦有北風時

卷六

吟院虛明如畫舫想成檻外是長江杜郎忽作揚州夢
雨帶風沙打夜窗

奉送劉君昆仲

遊子歸心日夜流南陔香草可晨羞平原曉雨半槐夏
汾上午風初麥秋鴻鴈要須翔集早鵲鴝無憾急難求
欲因行李傳家信姑射山前是晉州

勸交代張和父酒

風流五日張京兆今日諸孫困小官作尹大都如廣漢
畫眉仍復近長安三人成虎事多有衆口鑠金居自寬
酒興情親俱不淺賤生何取罄交歡

楊樸墓

三尺孤墳一布衣人言無復似當時千秋萬歲還來此
月笛煙莎世不知

楊樸喜吹笛嘗
作莎詩極工

次韻李士雄子飛獨遊西園折牡丹憶弟子奇二

首

西園春色才桃李蜂已成團蝶作團更欲開花比京洛
放教姚魏接山丹

桃李陰中五兄弟扶將白髮共傳杯風吹一鴈忽南去
空得平安書信回

戲和舍弟船場探春二首

雨餘禽語催天曉月上梨花放夜闌莫聽遊人待妍暖
十分傾酒對春寒

百舌解啼泥滑滑忽成風雨落花天城南一段春如錦

喚取詩人到酒邊

戲荅李子真河上見招來詩頗誇河上風物聊以

當嘲云

渾渾舊水無新意漫漫黃塵浣白鷗安得江湖忽當眼
卧聽禽語信船流

同景文丈詠蓮塘

塘上鈎簾對晚香半斜紅日已侵牀江妃羞出凌波襪

長在高荷扇影涼

涼當作藏

從丘十四借韓文二首

吏部文章萬世吾求善本編
窺散帙雲窗隸几同安得
見丘遲

中有先君手澤丹鉛點勘書
詩莫惜借行千里他日還
君一鷗

次韻題粹老客亭詩後

客亭長短路南北袞袞行人
那得知惟有相逢即相別
一杯成喜只成悲

雙井敝廬之東得勝地一區長林巨麓危峯四環
泉甘土肥可以結茅菴居是在寅山之顛命曰
寅菴喜成四詩遠寄魯直可同魏都士人共和

之大
臨

一溪婉婉如平篆四野青青似畫圖阮客放船迷洞府
化人攜袂到清都山中安用名丞相天下於今得廣居
我即其間構宮室預愁帝夢有華胥

山前有路到華胥下即乾坤極海隅西接洞庭開曉楚

東傾彭蠡浸晴吳四時更代觀形化萬物推移見尾閭
此世人人少閒暇每攜樽酒自看書

手把齊民種時書莎臺笠事耘鋤夏栽醉竹餘千个

五月十三日竹醉

春糞辰瓜滿百區

瓜辰日種

早秣旋春嘗麴藥新

梁炊熟自樵蕪日西杖屨行山口招得鄰丁作飲徒

招得鄰丁作飲徒山家看蕪蓋胥疎就根煨笋連黃籜

和蒂栽瓜帶綠鬚羹熟澤中親射鴈膾成溪上自留魚

遠懷羊仲荒三徑能似林間今日無

次韻寅菴四首

四詩說盡菴前事，寄遠如開水墨圖。
畧有生涯如谷口，非無卜肆在成都。
旁籬榛栗供賓客，滿眼雲山奉宴居。
閒與老農歌帝力，年豐村落罷追胥。

兄作新菴接舊居，一原風物萃庭隅。
陸機招隱方傳洛，張翰思歸正在吳。
五斗折腰慚僕妾，幾年合眼夢鄉閭。
白雲行處應垂淚，黃犬歸時早寄書。

大若塘邊獨網魚，小桃源口帶經鋤。
詩催孺子成雞柵，

茶約鄰翁掘芋區苦棟狂風寒徹骨黃梅細雨潤如酥
此時睡到日三丈自起開關招酒徒

未怪窮山寂寞居此情常與世情疎誰家生計無閒地
大半歸來已白鬚不用看雲眠永日會思臨水寄雙魚
公私逋負田園薄未至妨人作樂無

送楊瓊鴈門省親二首

從予學易業
未成辭歸

執戟老翁年七十人看生理亦無聊草玄事業窺周易
作賦聲名動漢朝今見遠孫勤翰墨還持遺藁困簞瓢

三年鄉杖趨晨鼓一日邊城聽夜刁野飯盈盤厭葱韭
春風半道解孤貂歸時定倒迎門屣問鴈安能學度遼
蜀客出衰世獨升鄒魯堂蚊虻觀得失虎豹擅文章吾
子已強學草玄宜不忘江河須畎澮松柏要冰霜馬策
路千里鴈門書數行旨甘君有婦尺璧愛分光

次韻謝公定王世弼贈荅二絕句

何用苦吟肝腎愁但知把酒更無憂聲名本不關人事
看取青門一故侯

金史卷之六
卷六
酒因咀嚼還知味詩就呻吟不要工王謝風流看二妙
病夫直欲卧牆東

次韻公定世弼登北都東樓四首

日著欄干角風吹濯澣衣喜同王季哲更得謝玄暉清
興俱不淺長吟無用歸月明南北道猶見驛塵飛

真皇多廟勝仁祖用功深卜宅遷九鼎破胡藏萬金百
年休戰士當日縱前禽欲斷匈奴臂不如留此心

都城礙飛鳥軍幕卧貔貅紫萁知蠶老黃雲見麥秋接

天雙闕起伏地九河流耆老深望幸鑾輿不好遊

漢皇勤遠畧晚節相千秋不足中原地猶思一戰收聖
朝方北顧斜日倚東樓廟筭知無敵寒儒浪自愁

李右司以詩送梅花至潞公予雖不接右司想見
其人用老杜和元次山詩例次韻

凡花俗草敗人意晚見瓊蕤不恨遲江左風流尚如此
春功終到歲寒枝

次韻張祕校喜雪三首

落月煙沙靜渺然好風吹雪下平田瓊瑤萬里酒增價
桂玉一炊人少錢學子已占秋食麥廣文何憾客無氈
睡餘強起還詩債臘裏春初未隔年

巷深朋友稀來往日晏兒童不掃除雪裏正當梅臘盡
民饑可待麥秋無寒生短棹誰乘興光入踈櫺我讀書
官冷無人供美酒何時却得步兵厨

滿城樓觀玉闌干小雪晴時不共寒潤到竹根肥臘筍
暖開蔬甲助春盤眼前多事觀遊少曾次無憂酒量寬

聞說壓沙梨已動會須鞭馬蹋泥看

呻吟齋睡起五首呈世弼

槩几坐清晝博山凝妙香蘭芽依客土柳色過鄰牆
巷僻過從少官閒氣味長江南一枕夢高卧聽鳴榔

學省非簿領卧病常閉關雨餘樓閣靜風晚烏烏還
賞逐四時改心安一味閒古人雖已往不廢仰高山

蔬食吾猶飽曲肱哦古今酒傾因好事絃絕為知音
妬藥長春木爭巢喧暮禽長懷阮校尉北望首陽岑

已把社公酒春寒那得嚴嚴聽鴟啄雪喜有燕穿簾璞
玉深藏器囊雖立見尖兒時愛談道今日口如箝

牆下蓬蒿地兒童課剪除蔓蒿隨分種杞菊未須鉏河
水傳烽火交州報捷書無能落閒處慚愧飽春蔬

送蛤蜊與李明叔諸君

雪屋吹燈然豆其古來壯士亦長饑廣文不得載酒去
且詠太玄庖蛤蜊

戲贈世弼用前韻

盜跖人肝常自飽
首陽薇蕨向來饑
誰能著意知許事
且為元長食蛤蜊

世弼病方家不善論蛤蜊之功戲荅

伯樂無傳驥空老
重華不見士長饑
從來萬事非名實
豈但藥翁論蛤蜊

次韻師厚萱草

從來占北堂
雨露借恩光
與菊亂佳色
共葵傾太陽
人生真苦相
物理忌孤芳
不及空庭草
榮衰可兩忘

全宋詩卷之六
卷六
次韻師厚雨中晝寢憶江南餅麪酒

雨砌無車馬風簾洒靜便忽思江外酒準擬醉時眠隱
几唯觀化開書屢絕編遙知煙渚夢遣騎喚漁船

和師厚郊居示里中諸君

籬邊黃菊關心事窗外青山不世情江橘千頭供歲計
秋蛙一部洗朝醒歸鴻往燕競時節宿草新墳多友生
身後功名空自重眼前樽酒未宜輕

和師厚秋半時復官分司西都

遙知得謝分西洛無復肯彈冠上塵園地除瓜猶入市
水田收秫未全貧杜陵白髮垂垂老張翰黃花句句新
還與老農爭坐席青林同社賽田神

和外舅夙興三首

寓大雲寺作

瓜蔓已除壟苔痕猶上牆蓬蒿貪雨露松竹見冰霜卷
幔天垂斗披衣日在房無詩歎不遇千古一潛郎

風烈僧魚響霜嚴郡角悲短童疲洒掃落葉故紛披水
凍食鮭少甕寒浮蟻遲朝陽烏烏樂安穩託禪枝

暑逐池蓮盡寒隨塞鴈來衣裘雖得暖狐貉正相哀僧
汲轆轤曉車鳴關鑠開不因朝鼓起來帙亂書堆

陪謝師厚遊百花洲槃礴范文正祠下道羊曇哭

謝安石事因讀生存華屋處零落歸山丘為十

詩

憶在昭陵日傾心用老成功歸仁祖廟政得一書生
羊生但著鞭勿哭西州門故有不亡者南山相與存
慶州自不惡籍甚載聲華忠義可無憾公今有世家

公歸未百年鸛巢荒古屋我吟殄瘁詩悲風韻喬木
傷心祠下亭在時公燕處臨水不相猜江鷗會人語
公有一杯酒與人同醉醒遺民能記憶欲語涕飄零
委徑問謠俗高丘省佃作昔遊非苟然今花幾開落
在昔實方柄成功見圓機九原尚友心白首要同歸
人去洲渚在春回花草斑清談值淵對發興如江山
落日銜城壁祠東更一遊悲來惜酒少安得董糟丘
和師厚接花

妙手從心得接花如有神根株穰下土顏色洛陽春
雍也本犁子仲由元鄙人升堂與入室只在一揮斤

和師厚栽竹

大隱在城市此君真友生根須辰日斲笋要上番成
龍化葛陂去鳳吹阿閣鳴草荒三徑斷歲晚見交情

次韻外舅謝師厚喜王正仲三丈奉詔禱南岳回
至襄陽捨驛馬就舟見過三首

漢上思見龐德公別來悲歎事無窮聲名籍甚漫前日

鬚鬢索然成老翁家釀已隨刻漏下園花更開三四紅
相逢不飲未為得聽取百鳥啼怱怱

能來問疾好音傳蹇步昏花當日痊烹鯉得書增目力
呼兒扶立候門前遊談取重慚犀首居物多羸昧計然
惟有交親等金石白頭忘義復忘年

語言少味無阿堵冷

一作水

雪相看有此君燈火詩書如

夢寐麒麟圖畫屬浮雲平章息女能為婦歡喜兒曹解
綴文憂樂同科惟石友別離空復數朝暉

百花洲雜題


范公種竹水邊亭
漂泊來遊一客星
神理不應從此盡
百年草樹至今青

竹下把酒

竹下傾春酒
愁陰為我開
不知臨水語
更得幾回來

砌臺曉思

目極江南千里春
誰今洒筆可招魂
向人猶作故時面
翠竹蒼煙一萬根



山谷外集卷六

欽定四庫全書

集部
山谷外集卷八

詳校官庶吉士臣胡鉉

檢討臣何思鈞覆勘

總校官進士臣朱鈐

校對官編修臣朱紱

謄錄監生臣丁紹徑

欽定四庫全書

山谷外集卷七

律詩

叔父釣亭

檻外溪風拂面涼
四圍春草自鉏荒
陸沉霜髮為鉤直
柳貫錦鱗綠餌香
影落華亭千尺月
夢通岐下六州王
麒麟卧笑功名骨
不道山林日月長

宋 黃庭堅 撰

夜發分寧寄杜澗叟

陽關一曲水東流
燈火旌陽一釣舟
我自只如常日醉
滿川風月替人愁

元豐癸亥經行石潭寺見舊和栖蟾詩甚可笑因
削拊臧藁別和一章

千里追尋兩蝸角
百年得意大槐宮
空餘祇夜數行墨
不見伽黎一臂風
俗眼只如當日白
我顏非復向來紅
浮生不作游絲上
即在塵沙逐轉蓬

題馬當山魯望亭四首

彭澤舊治所

馬當一曲孤煙人物于今眇然不見繞籬黃菊誰收種

秣圭田

一作有地有荒杭稻無人更與酒錢

右元亮

鯨波橫流砥柱虎口活國宗臣小屈

一作少日

弦歌百里不

誣

一作莫言

天下歸仁

右狄梁公

不見魯公斷石誰家為礎為扛筆法錐沙屋漏心期曉

日秋霜

右顏魯公

笠澤道人高古文章白髮蕭條

一作文章歲寒後凋

欲問勒銘遺

墨應書水府鮫綃

右陸魯望

次韻胡彥明同年羈旅京師寄李子飛三章一

章道其困窮第二章勸之歸三章言我亦欲歸耳

胡李相甥也故有檳榔之句

看除日月坐中銓一歲應無官九遷
蔥韭盈盤市門食
詩書滿枕客牀氈
留連節物孤朋酒
惱亂隣翁謁子錢
誰料丹徒布衣侶
困窮且忍試新年

丁未同升鄉里賢
別離寒暑未推遷
蕭條羈旅深窮巷

蚤晚聲名上細氈碧嶂清江元有宅白魚黃雀不論錢
檳榔一斛何須得李氏弟兄佳少年

畏人重祿難堪忍閱世浮雲易變遷徐步當車飢當肉
鋤頭為枕草為氈元無馬上封侯骨安用人間使鬼錢
不是朱門爭底事清溪白石可忘年

上蕭家峽

玉筍峯前幾百家山明松雪水明沙趣虛人集春蔬好

桑菌竹萌煙蕨芽

晚年本云趣虛人在煙
中語荷篠歸來有蕨芽

何蕭二族

西漢功名相國多南朝人物數諸何向來富貴喧天地
亦有文章在澗阿

魏夫人壇

獨掃蛾眉作遠山春風瑤草照朱顏我來欲問許玉斧
二十四峯如髻鬟

隱梅福處

吳門不作南昌尉上疏歸來朝市空笑拂巖花問塵世

故人子是國師公

蕭子雲宅

郁木坑頭春鳥呼
雲迷帝子在時居
風流掃地無尋處
只有寒藤學草書

避秦十人

九真承詔上龍胡
盡是驪山所送徒
唯有鄧公留不去
松根揜鼎煮菖蒲

黃雀

牛大垂天且割烹細微黃雀莫貪生頭顱雖復行萬里
猶和鹽梅傳說羹

到官歸志浩然二絕句

雨洗風吹桃李淨訟聲聒盡鳥驚春滿船明月從此去
本是江湖寂寞人

鳥鳴未覺常先曉筍簾登盤始見春斂手還他能者作
從來刀筆不如人

出迎使客質明放船自瓦窑歸

鼓吹喧江雨不開丹楓落葉放船回風行水上如雲過
地近嶺南無鴈來樓閣人家捲簾幕菰蒲鷗鳥樂灣洄
惜無陶謝揮斤手詩句縱橫付酒杯

送酒與畢大夫

淺色官醕昨夜筩一樽聊付卯時投甕邊吏部應歡喜
殊勝平原老督郵

奉寄子由並大臨

鍾鼎功名淹筦庫朝廷翰墨寫風煙遙知道院頗岑寂

定是壺中第幾天歷下笑談漫一夢江南消息又餘年
動心忍性非無意吏部如今信大顛

奉荅元明蘇轍

故人聚散霜前葉往事渺茫風際煙游宦一生非有已
隱居萬事不由天崎嶇檻穽方謀食笑傲山林肯計年
賴已將心問廬老相逢他日笑風顛

次韻奉寄子由

半世交親隨逝水幾人圖畫入凌煙春風春雨花經眼

江北江南水拍天欲解銅章行問道定知石友許忘年
春令各有思歸恨日月相催雪滿顛

再次韻奉答子由

蠶尾銀鈎寫珠玉剡藤蜀繭照松煙似逢海若談秋水
始覺醯雞守甕天何日清揚能覲面只今黃落又凋年
萬錢買酒從公醉一鉢行歌聽我顛

再次韻寄子由

想見蘓耽攜手仙青山桑柘冒寒煙麒麟墮地思千里

虎豹憎人上九天風雨極知鷄自曉雪霜寧與菌爭年
何時確論傾樽酒醫得儒生聖自顛

次韻寄上七兄

學得屠龍長縮手鍊成五色化蒼煙誰言遊刃有餘地
自信無功可補天啼鳥笑歌追暇日飽牛耕鑿望豐年
荷鋤端欲相隨去邂逅青雲恐疾顛

吉老受秋租輒成長句

黃花事了綠叢霜蟋蟀催寒夜夜牀愛日捃收如盜至

失時鞭朴柰民瘡田夫田婦肩頰擔江北江南稼滌場
少忍飛糠眯君眼要令私廩上公倉

再次韻和吉老

今日僕姑晴自語愁陰前日雪鋪牀三冬一雨禾頭濕
百斛幾痕牛領瘡民欲與翁歸作臘公方無事可開場
相勤凍坐真成惡愧我偷閒飽太倉

招吉老子範觀梅花

播糠眯眼丞良苦鳴鼓連村尉始歸及取江梅來一醉

明朝花作玉塵飛

寄黃從善

故人千里隔談經
想見牛刀刃發硎
渴雨芭蕉心不展
未春楊柳眼先青
鳬飛葉縣郎官宰
虹貫江南處士星
天子文思求逆耳
吾宗一為試雷霆

登快閣

癡兒了却公家事
快閣東西倚晚晴
落木千山天遠大
澄江一道月分明
朱絃已為佳人絕
青眼聊因美酒橫

萬里歸船弄長笛此心吾與白鷗盟

題息軒

僧開小檻籠沙界鬱鬱參天翠竹叢萬籟參差寫明月
一窗寥落共清風蒲團禪板無人付茶鼎薰爐與客同
萬水千山尋祖意歸來笑殺舊時翁

從時中乞蒲團

撲屋陰風雪作團織蒲投我最宜寒君當自致青雲上
快取金狨覆馬鞍

答余洪範二首

道在東西祖詩如大小山一家同雪月萬事廢機關天
上麒麟閣山中虎豹閑何時得丘壑明鏡失朱顏

懸壺齋厨數米炊貧中氣味更相思可無昨日黃花酒
又是春風柳絮時

題安福李令朝華亭

丹楹刻桷上崢嶸表裏江山路

一作略

眼平曉日成霞張

錦綺青林多露綴珠纓人如旋磨觀羣蟻田似圍碁據

一枰對案昏昏迷簿領暫來登覽見高明

寄舒申之戶曹

吉州司戶官雖小曾屈詩人杜審言今日宣城讀書客
還趨手板傍轅門江山依舊歲時改桃李欲開煙雨昏
公退但呼紅袖飲剩傳歌曲教新翻

次韻吉老十小詩

十襲發硃刀無名自貴高秋衣猶葛製午飯厭溪毛
萬木霜搖落山呈斧鑿痕癡蠅思附尾驚鶴畏乘軒

日短循除廡溪寒出臼科官居圖畫裏小鴨睡枯荷
眼看人換世手種木成陰藏拙無三窟談禪劇七禽
寒水幾痕落秋山萬竅號紅梨啄烏鵲殘菊掛蠨蛸
佳人斗南北美酒玉東西夢鹿分真鹿無雞應木雞
斲鼻昔常爾絕絃知者稀無人與爭長惟有釣魚磯
茵席絮剪重枕囊收決明南風入晝夢起坐是松聲
半菽一瓢飲懸鶉百結衣蕭條鬼不瞰聊可與同歸
學似斲輪扁詩如飯顆山室中餘一劍無氣斗牛間

歐陽從道許寄金橘以詩督之

從道參禪嘗有
言句來頗聞數

從歌舞飲
故及之

禪客入秋無氣息想依紅袖醉
培塿霜枝搖落黃金彈
許送筠籠殊未來

黃幾復自海上寄惠金液三十兩且曰惟有德
之士宜享將以排蕩陰邪守衛真火幸不以凡
物畜之戲荅

皺面黃鬚已一翁樽前猶發少年紅金丹乞與煩真友

只恐無名常籍中

和七兄山籟湯

厨人清曉獻瓊糜正是相如酒渴時能解飢寒勝湯餅
略無風味笑蹲鴟打窗急雨知然鼎亂眼睛雲看上匙
已覺塵生雙井椀濁醪從此不須持

奕棊二首呈任公漸

偶無公事負朝暄三百枯棊共一罇坐隱不知巖穴樂
手談勝與俗人言簿書堆積塵生案車馬淹留客在門

戰勝將驕疑必敗果然終取敵兵翻

偶無公事客休時席上談兵校

一作角

兩碁心似蛛絲遊

碧落身如蜩甲化枯枝湘東一目誠甘死天下中分尚
可持誰為吾徒猶愛日參橫月落不曾知

次韻幾復荅予所贈三物三首

誰憐湖海士白髮夜窻檠風雨鷄不已詩書眼尚明禪
枝安宿鳥僧粥吼華鯨但滿五車讀行看一座傾

右石燈檠

絕域薔薇露他山
茁茁鑪薰衣作家想
伏枕夢閨妹遊
子官蟻穴謫仙居
瓠壺當時有憂樂
回首亦成無

右石博山

九原誰復起糟魄
未傳心不取丁儀
米疑成校尉金名
從高位借德有下
僚沉筆削多瑕點
猶希畏友箴

一本云筆

從高位曲陸有德人沉救
俗規如此慵疎廢古今

右石刻

靜居寺上方南入一徑有釣臺氣象甚古而俗

傳謬妄意嘗有隱君子漁釣其上感之作詩

避世一丘壑似漁非世漁獨吟嘉橘頌不遺子公書
簾園林晚絲絳歲月徐安知冶容子紅袖泣前魚

侯尉之吉水覆按未歸三日泥雨戲成寄之

歎息侯嬴老尉曹鞍馬疲山花迷部曲江雨壓旌旗
越鳥勸沽酒竹鷄憂蹋泥不知何處醉遙寄解醒詩

侯尉家聽琵琶

舫齋蒼竹雨聲中一曲琵琶酒一鍾恰似潯陽江上聽

只無明月與丹楓

次韻吉老寄君庸

何郎生事四立壁心地高明百不憂白眼醉來思阮籍
碧雲吟罷對湯休諸公著力書交上尺壁深藏價未酬
空使君如巢幕燕將鵲處處度春秋

寄袁守廖獻卿

公移猥甚叢生笋訟牒紛如蜜分窠少得曲肱成夢蝶
不堪衙吏報鳴鼉已荒里社田園了可奈春風桃李何

想見宜春賢太守無書來問病維摩

廖袁州次韻見荅并寄黃靖國再生傳次韻寄之

春去懷賢感物多飛花高下冑絲窠傳聞治境無戾虎

更道豐年鳴白鼉史筆縱橫窺寶鉉

干寶作搜神記徐鉉作稽神錄當時

謂寶鬼之董狐

詩才清壯近陰何寄聲千萬相勞苦如倚胡牀

得按摩

袁州劉司法亦和予摩字詩因次韻寄之

袁州司法多兼局日莫歸來印幾窠詩罷春風榮草木

書成快劒斬蛟鼉遙知吏隱清如此應問卿曹果是何
頗憶病餘居士否在家無意食蘿摩

次韻奉荅吉老并寄何君庸

傾懷相見開城府取意閒談沒臼窠但取吏曹無狡兔
任呼舞女代靈鼉屢中甕面酒幾聖苦憶樽前人姓何
願得兩公俱助我不唯朱墨要漸摩

聞吉老縣丞按田在萬安山中

苦雨初聞喚婦鳩紅粧滿院木葉秋樽前不記崔思立

應在諸山最上頭

次韻喜陳吉老還家二絕

公庭無事吏人休
垂箔寒廳對奕秋
催織青籠筍白酒
竹爐煨栗煮鷄頭

夜寒客枕多歸夢
歸得黃柑紫蔗秋
小雨對談揮麈尾
青燈分坐寫蠅頭

再次韻和荅吉老二首

水宿風食甚勞苦
勉旃吾子富春秋
我愧疲民欲歸去

麥田春雨把鋤頭

賢勞王事一歸休
霜落園林失九秋
想得君家烏鵲喜
蛛絲縈繞玉搔頭

雙澗寺二首

二水犇犇鳴屋除
松林落日吼烏菟
老僧更有百歲母
白髮身為反哺烏

山陬江深屋翠崖
夜鐘聲自甕中來
長松偃蹇蒼龍卧
六月澗泉轟怒雷

酴醾

漢宮嬌額半塗黃入骨濃薰賈女香
日色漸遲風力細倚欄偷舞白霓裳

奉荅李和甫代簡二絕句

山色江聲相與清
卷簾待得月華生
可憐一曲並船笛
說盡故人離別情

夢中往事隨心見
醉裏繁華亂眼生
長為風流惱人病
不如天性總無情

次韻奉荅廖袁州懷舊隱之詩

詩題怨鶴與驚猿一幅溪藤照麝煙聞道省郎方結綬
可容名士乞歸田嚴安召見天嗟晚賈誼歸來席更前
何況班家有超固應封定遠勒燕然

觀王主簿家醖釀

肌膚冰雪薰沉水百草千花莫比芳露濕何郎試湯餅
日烘荀令炷爐香風流徹骨成春酒夢寐宜人入枕囊
輸與能詩王主簿瑤臺影裏據胡牀

社日奉寄君庸主簿

花發社公雨陰寒殊未開初聞燕子語似報玉人來遮
眼便書冊挑聾欺酒盃傳聲習主簿勤為撥春醅

北窻

生物趨功日夜流園林才夏麥先秋綠陰黃鳥北窻簾
付與來禽安石榴

洪範以不合俗人題廳壁二絕句次韻和之

寂寥吾道付萬世忍向時人覓賞音搔首金城西萬里

樽前從此嘆人琴

德占最知洪範

埋沒高才築釣間風雲未會要鯢桓南康郡下參軍耳
付與紅塵白眼看

次韻荅杜仲觀二絕

鳥啼花動却春寒雨壓青旗卷畫干多事今年廢詩酒
煩君傳語問平安

重簾複幕和風雨無奈催沽鳥喚人只是樽前欠狂客
舞娃冰雪酒磷磷

再次韻杜仲觀二絕

短舞朱裙愜醉看，惜公官守隔江干。
遙憐得句無人賞，走馬城東覓道安。

詩家二杜見仍雲，佳句風流照映人。
青眼向來同醉醒，白頭相望不緇磷。

次韻元翁從王夔玉借書

為吏三年弄文墨，草萊心徑失耕鋤。
常思天下無雙祖，得讀人間未見書。
公子藏山真富有，小儒捫腹正空虛。

何時管鑰入吾手為理籤題撲蠹魚

奉和孫奉議謝送菜絕句

春蔬照映庾郎賓遣騎持籠佐茹滋却得齋厨厭葷味
白鵝存掌鼈留裙

學元翁作女兒浦口詩

五老峯前萬頃江女兒浦口鴛鴦雙驚飛何處沙上宿
夜雨釣船燈照窻

去歲和元翁重到雙澗寺觀余兄弟題詩之篇總

忘收錄病中記憶成此詩

素琴聲在時能聽
白鳥盟寒久未尋
眼見野僧垂白髮
養親元不顧朱金
開泉浸稻雙澗水
煨笋充盤春竹林
安得一廬吾欲老
君聽莊舄病時吟

次韻知命入青原山口

坑路羊腸繞稻田
碁局方林間塔餘
寸風外竹斜行吠
客犬反走驚人鳥
空忙山形與祖印
岑絕兩相當

次韻吉老知命同遊青原二首

洗鉢尋思去論詩匡鼎來鷗窺錫處井魚泳釣時臺垂
足收親子存身亘劫灰僧離手金鑰一為道人開

至人來有會吾道本無家閱世魚行水遺書鳥印沙齋
孟香佛飯法席雨天花時有清談勝還同嘆永嘉

次韻十九叔父臺源

聞道臺源境鉏荒三徑通人曾夢蟻穴鶴亦怕鷄籠萬
壑秋聲別千江月體同須知有一路不在白雲中

次韻曾都曹喜雨

水旱國代有人神理本通徧
霄祠小大敢指蜺雌雄地
厭焚燠極天回顧盼中蛟
龍起乖卧星斗晦澄空雲
挾雷聲走江翻電脚紅寵
光歸稼穡滴瀝在梧桐詖
訟猶相及時霖恐未豐潔
齋靳得歲同病託諸公

和李才甫先輩快閣五首

山寒江冷丹楓落爭渡行人
簇晚沙菰葉蘋花飛白鳥
一張紅錦夕陽斜

赤欄終日倚西風山色掞
藍小雨中將老鬢毛秋著
木

相思親舊水連空

長江淡淡吞天去
甲子隨波日日流
萬事轉頭同墮甌
一身隨世作虛舟

雲橫章貢雨翻盆
寺下江深水到門
落日荷鉏人著木
西風滿地葉歸根

西南嘉氣浮馬祖
東北祥風繞靜居
山邑豐年人少訟
身來訪道得齋魚

幾道復覓檳榔

蠻煙雨裏紅千樹逐水排痰肘後方莫笑忍飢窮縣令
煩君一斛寄檳榔

發贛上寄余洪範

二川來集南康郡氣味相似相和流水落山明數歸鴈
鬱孤欄楯繞深秋胷中淳于吞一石塵下庖丁解十牛
它日欲言人不解西風散髮棹扁舟

同韻和元明兄知命弟九日相憶

草叢南渡傳詩句摹寫相思意象真九日黃花傾壽酒

幾回青眼望歸塵
蚤為學問文章誤
晚作東西南北人
安得田園可溫飽
長拋簪紱裏頭巾

萬水千山厭問津
芭蕉林裏自觀身
鄰田雞黍留熊也
風雨關河走阿秦
鴻鴈池邊照雙影
脊令原上憶三人
年年獻壽須歡喜
白髮黃花映角巾

題吉州承天院清涼軒

菩薩清涼月
遊於畢竟空
我觀諸境盡
心與古人同
僧髮侵眉白
桃花映竹紅
儻來尋祖意
展手似家風

題槐安閣并序

東禪僧進文結小閣於寢室東養生之具取諸左右而足被雖聞中天之臺百常之觀蓋無慕嫖之心予為題曰槐安閣而賦詩夫據功名之會以嫖嫖一世其與蟻丘亦有辨乎雖然陋蟻丘而仰泰山之崇崛猶未離乎俗觀也

曲閣僧房古屋頭病僧枯几過春秋垣衣蛛網蒙窻牖萬象縱橫不繫留白蟻戰酣千里血黃梁炊熟百年休

功成事遂人間世欲夢槐安向北游

太和奉呈吉老縣丞

山擁鳩民縣江橫決事廳士風尊健訟吏道要繁刑
鯨今無種蒲蘆教未形里多齊閭氏材謝宋庖丁令尹

三年課斯人萬物靈吾方師豈弟僚友助丹青

閭氏漢書音閒

今齊南田家有此姓音諫也

立春

韭苗香煮餅野老亦知春看鏡道如咫倚樓梅照人

子範徼巡諸鄉捕逐羣盜幾盡輒作長句勞苦行

李

白髮尉曹能挽弓著鞭跨馬欲生風乃兄本是文章伯
此老真成矍鑠翁枹鼓諸村宵警報牛羊幾處莫牢空
得公萬戶開門卧看取三年最治功

喜太守畢朝散致政

膏火煎熬無妄災就陰息迹信明哉功名富貴兩蝸角
險阻艱難一酒杯百體觀來身是幻萬夫爭處首先回

胃中元有不病者記得陶潛歸去來

戲贈南安倅柳朝散

柳侯風味晚相見衣袂頗薰荀令香桃李能言妙歌舞
樽前一曲斷人腸洞庭歸客有佳句庾嶺梅花如小棠
乘興高帆少相待淮湖江月要傳觴

睡起

柿葉鋪庭紅顆秋薰爐沉水度衣篝松風夢與故人遇
同駕飛鴻跨九州

次韻君庸寓慈雲寺待韶惠錢不至

主簿看梅落雪中
閨人應賦首飛蓬
問安兒女音書少
破笑壺觴夢寐同
馬祖峯前青未了
鬱孤臺下水如空
江山信美思歸去
聽我勞歌亦欲東

次韻奉荅存道主簿

主簿朝衣如敗荷
高懷千尺上松蘿
旅人爭席方歸去
秋水黏天不自多
學到會時忘聚可
留詩別後見羊何
向來四海習鑿齒
今日期君不啻過

題神移仁壽塔

十二觀音無正面誰令塔戶向東開
定知四梵神通力曾借六丁風
雨惟蠅說冰霜如夢寐鷄聞鐘鼓亦驚猜
從今一信維摩詰斷取三千世界來

題海首座壁

騎虎度諸嶺入鷗同一波
香寒明鼻觀日永稱頭陀

題仁上座畫松

偃蹇松枝隔煙雨知儂定是歲寒材
百年根節要老硬

將恐崩崖倒石來

次韻漢公招七兄

白髮霏霏雪點斑朱櫻忽忽鳥銜殘公庭休吏進湯餅
語燕無人窺井欄詩句多傳知有暇道人相見不應難

老郎親屈延處士風味依稀如姓桓

桓冲禮處士劉
璘之鄭榮甚厚

送高士敦赴成都鈐轄二首

玉鈐金印臨參井控蜀通秦四十州日下書來望鴻鴈
江頭花發醉貔貅巴滇有馬駒空老林箐無人葉自秋

能為將軍歌此曲鳴機割錦與纏頭

捧日高宣事東京四姓侯軍中聞俎豆廟勝脫兜鍪
燒燭海棠夜香衣藥市秋君平識行李河漢接天流

次韻子瞻元夕扈從端門三首

赭黃繖底望龍章不斷唯聞寶炬香一片韶音歸複道
重瞳左右列英皇

端門魏闕鬱崢嶸燈火如山輦路平不待上林鶯百轉
教坊先已進春聲

仗下蓄夷各一羣機泉如雨自繽紛諦觀香案傍遣吏
却是茅山大小君

次韻子瞻送穆父二絕

渺然今日望人材每見紫芝眉宇開又觸惠文江海去
快帆誰與挽令回

謫官猶得住蓬萊抱牘人稀書卷開張敞撫眉應急召
董宣強項莫低回

和子瞻內翰題公擇舅中丞山房

幽人八座復中臺想見書堂山杏開四十餘年僧屈指
時因秋鴈寄聲來

以路公所惠揀芽送公擇次舊韻

慶雲十六升龍樣國老元年密賜來披拂龍紋射牛斗
外家英鑒似張雷

承吏部蘓尚書右選胡侍郎皆和鄙句次韻道謝
不待烹茶喚睡回天官兩宰和詩來清如接筧通春溜
快似揮刀斫怒雷

奉同公擇作棟芽詠

赤囊歲上雙龍壁

囊貢小園亦單疊
唯棟芽則雙疊

曾見前朝盛世來

想得天香隨御所
延春閣道轉輕雷

元豐末作
延春閣

今歲官茶極妙而難為賞音者戲作兩詩用前韻

鷄蘓狗蟲難同味
懷取君恩歸去來
青箬湖邊尋顧陸

白蓮社裏覓宗雷

乳花翻枕正眉開
時若渴羌衝熱來
知音者誰心已許

維摩雖默語如雷

公擇用前韻嘲笑雙井

萬仞峯前雙井塢
婆娑曾占早春來
如今摸索蒼龍壁
沈井銅餅漫學雷

又戲為雙井解嘲

山芽落磴風回雪
曾為尚書破睡來
勿以姬姜棄顛顚
逢時瓦釜亦鳴雷

奉同六舅尚書詠茶碾煎烹三首

要及新香碾一盃
不應傳寶到雲來
碎骨粉身方餘味

莫厭聲喧萬壑雷

風爐小鼎不須催
魚眼長隨蟹眼來
深注寒泉收第一
亦防朽腹爆乾雷

乳粥瓊糜霧脚回
色香味觸映根來
睡魔有耳不及掩
直拂繩牀過疾雷

王立之以小詩送並蒂牡丹戲荅

分送香紅惜折殘
春陰醉起薄羅寒
不如王謝堂前燕
曾見新粧並倚欄

露晞風晚別春叢拂掠殘粧可意紅多病廢詩仍止酒
可憐雖在與誰同

題子瞻書詩後

六言

詩就金聲玉振書成蠅尾銀鈎已作青雲直上何時散
髮滄洲

戲贈高述

六言

江湖心計不淺翰墨風流有餘相期乃千載事要須讀
五車書

與李公擇道中見兩客布衣班荆而坐對戲奕秋

因作一絕

兩客班荆覆局圖看人車馬溷泥塗文昌八座鄰樞極
天上歸來愧不如

題歸去來圖二首

日日言歸真得歸迎門兒女笑牽衣宅邊猶有舊時柳
漫向世人言昨非

人間處處猶崔子豈忍更令三徑荒誰與老翁同避世

桃花源裏捕魚郎

題陽關圖二首

斷腸聲裏無形影
畫出無聲亦斷腸
想得陽關更西路
北風低草見牛羊

人事好乖當語離龍
眠見出斷腸詩渭城
柳色關何事
自是離人作許悲

次韻荅少章聞鴈聽鷄二首

平生絕少分甘處
身要從師萬事忘
霜鴈叫羣傾半枕

夢回兄弟綠衣行

朝士聞鷄常半途朱門擁被不關渠秦郎五起聽三唱
殘燭貪傳未見書

題王居士所藏王友畫桃花杏花二首

凌雲一笑見桃花三十年來始到家從此春風春雨後
亂隨流水到天涯

凌雲見桃萬事無我見杏花心亦如從此華山圖籍上
更添潘閭倒騎驢

戲荅仇夢得承制

結髮從征聽鼓輦未曾一展臂中奇彎弓如月落霜鴈
誰道將軍能賦詩

橫槩不為萬騎先傳杯把筆過年年懷中黃石閒三略
道上青旗漫百篇

元明題哥羅驛竹枝詞

尺五攀天天慘顏鹽煙溪瘴鎖諸蠻平生夢亦未嘗處
聞有鵝飛不到山風黑馬嘶驢瘦嶺日黃人度鬼門關

黔南去此無多遠想在夕陽猿嘯間

題李十八知常軒

身心如一是知常事不驚人味久長蓋世功名棊一局
藏山文字紙千張無心海燕窺金屋有意江鷗傍草堂
驚破南柯少時夢新晴鼓角報斜陽

次韻奉荅吉鄰機宜

黔虜乘秋屢合圍上書公獨請偏師庭中子弟芝蘭秀
塞上威名草木知千里折衝深寄此三衙虛席看除誰

與公相見清班在仁祖重來築舊基

送曹黔南口號

摩圍山色醉今朝試問歸程指斗杓
荔子陰成棠棣愛竹枝歌是去思謠
陽關一曲悲紅袖巫峽千波怨畫橈
歸去天心承雨露雙魚來報舊賓僚

題劉氏所藏展子虔感應觀音二首

人間猶有展生筆佛事蒼茫煙景寒
常恐花飛胡蝶散明窻一日百回看

羣盜挽弓江簸船丹青當在普通前誰能與作赤挽板
老筆猶堪壽百年

以虎臂杖送李任道二首

走送書堂倚絳紗瘦藤七尺走驚蛇晴沙每要交頭柱
尋遍漁翁野老家

未衰筋力先扶杖能救衰年十二三八百老彭嗟杖晚
可憐矍鑠馬征南

謝周文之送貓兒

養得狸奴立戰功將軍細柳有家風
一簞未厭魚餐薄四壁當令鼠穴空

戲呈田子平

茸割即非茸割肥羊自是肥羊老夫纔堪一筋諸生贊
詠甘香却歎佳人纖手晚來應廢紅粧荊州衣冠千戶
厚意獨有田郎

太平州作二首

歐靚腰支柳一渦小梅催拍大梅歌舞餘片片梨花雨

奈此當塗風月何

千古人心指下傳
楊姝煙月過年年
不知心向誰邊切
彈盡松風欲斷弦

長沙留別

折脚鐺中同淡粥
曲腰桑下把離杯
知君不是南遷客
魑魅無情須早回

贈花光老

浙江衲子靜無塵
箇箇莊嚴服飾新
何似乾明能效古

渠知北斗裏藏身

題花光為曾公卷作水邊梅

梅藥觸人意冒寒開雪花遙憐水風晚片片點汀沙

清明

佳節清明桃李笑野田荒壠只生愁雷驚天地龍蛇蟄
雨足郊原草木柔人乞祭餘驕妾婦士甘焚死不公侯
賢愚千載知誰是滿眼蓬蒿共一丘

元明留別

枕椰笋白映玉箸椰子酒清宜具觴市井衣裘半夷夏
陰晴朝暮變炎涼莫推月色共千里不寄江南書一行
無賴笳聲上雲漢曉來偏繞九回腸

山谷外集卷七